

焦太史編輯國朝獻徵錄

焦太史編輯國朝獻徵錄卷之一百十六目錄

隱佚

陳遇

秦從龍

葉允

王國祥

鄭顥

王冕

邢量

龔詡

賀確

王行

楊恒

陳洄

王頌

施鳳

袁翼

史鑑

趙元銘

龍光

吳綸

張尺

董濤

顧源

顧祖辰

吳興茅元儀

校

錢唐徐象禎

行

目錄甲

焦太史編輯國朝獻徵錄卷之一百十六

隱佚

陳靜誠先生遇傳

陳鎬

陳遇字中行先世曹人高祖義甫宋翰林學士徙居建康子孫因家焉曾祖執中淮南諸路兵馬都統制祖考汝德深陽縣判考辛之元淮南鹽課提舉遇資稟純粹識度超遠博通經史尤邃于先天之學元末爲江東明道書院山長開教永嘉子弟多從之及中原板蕩乃歸建康扁所居之室曰靜誠人因號曰靜誠先生太祖高皇帝渡江御史察元之薦遇學行

才識因以書聘之曰予因胡元入馭海宇瓜分豪傑  
與兵共爭疆域干戈四起黎庶流亡天命歸予提兵  
東渡遂取臺城歷思自古英雄創業誠難獨理轅門  
雖有將士惟懼惜無軍師恒側席以求賢定太平以  
開國比聞老先生世居江左學貫三史六經傳覽兵  
皆百技才兼文武超越等倫賢哲天生實我良輔崇  
儒重道今古皆然湯文曾徵伊呂先主猶聘孔明予  
不敢以前代明王自期先生當以伊呂孔明奮起倘  
以主民爲念須弘恤患之心應天順人敷陳遠畧非  
欲奮爪牙以顯武其實資文德以安民取成大業列

野胙土以報功德子孫傳業與國終始豈不信與  
其輶光晦跡以全已其如濟時行道以成仁拱  
埃車塵起展素蘊幸勿辭拒以慰下懷蓋丙申  
四月八日也既見與語大悅遂命籌謀帷幄益見  
親信幸其第者三甲辰上卽王位賜冠帶授供奉  
司丞不受戊申上卽帝位紀元遇陳治道以復中國  
先王禮教爲首務三授翰林學士皆不受乃賜肩輿  
一乘選衛士十人贊其出入洪武庚戌春承命往兩  
浙廉察民隱還朝密有所陳賜白金綵段除中書左  
丞力辭辛亥召對華蓋殿賜坐命草平西詔賞賚有加  
授禮部侍郎

鄭康弘大館大學士復辭時西域進馬一匹甚貴  
召入看逐引漢故事爲諫上大悅賜大銀一錠除  
太常少卿又辭上不許沉吟良久從之戊午復除  
禮部尚書又固辭上曰士之有志節者功名不足  
以介意其卿之謂乎朕不强卿以成卿之名也自是  
每燕閒輒召問古今得失嘗值暑賜歸時功臣少有  
過隨遇力爲救解多所全釋上嘗諭曰先生有子  
者來帶刀隨侍朕當重用對曰臣三子皆幼俟其讀  
書成立以圖補報上說賜對衣兼金當是時寵遇  
之隆雖公侯卿大夫無與比者甲子秋病作太醫院

官省視尋卒 上震悼不已道中官諭祭賜葬鍾山  
祖塋之次 上所賜詩文翰墨甚多并遇所著述嘗  
燬于火故所存無幾今見世德錄云子欽誠俱早卒  
恭由鄉貢仕至工部尚書文章政事克世其家

祖初下建康聞土人秦原之周良卿丘<sub>某</sub>三人素

有德行以禮延諮詢以政事號曰三老敬之甚厚不  
久以原之爲南臺侍御史卽薦陳遇中行於太祖  
遂三顧聘之爲帷幄師臣以定天下原之於太祖  
亦猶鮑叔薦管仲於齊桓可謂有知人之明足以爲  
國初名臣矣惜乎無所考其世次及歷官行己之始



終不能爲作傳爲可憾也

應廣疏錄

八

秦公從龍傳

朱睦㮮

秦從龍字元之洛陽人也仕元累官和休行省左丞  
改江南行臺侍御史會兵亂避居鎮江丙申王師下  
金陵遣大將軍達下鎮江上謂達曰鎮江有秦元  
之者才器老成宜詢訪致吾欲見之意達至鎮江物  
色得之時從龍有從孫永爲達都軍因遣還報上  
喜甚命兄子文正及朱文忠以白金文綺聘之從龍  
遂與妻陳氏偕來上親至龍江迎入時上寓王  
絲帛家因邀同處朝夕訪以時政從龍盡言無隱既  
而 上卽元故御史臺爲府居從龍西華門外事無

大小悉與諮謀密書漆板問答左右皆不知 上稱  
先生而不名每歲從龍生日 上與太子皆有贈遺  
或親至其家與之燕飲禮遇甚厚乙巳從龍從子澤  
歿告還鎮江 上出郊握手送之是年十二月從龍  
卒年七十餘 上聞驚悼未幾督兵至鎮江親臨哭  
之命有司厚卹其家論曰元之當避地京口時豈意  
天下復用哉及王師下金陵遣使敦辟元之感 上  
知躊然而起叅帷幄同起居言行計從情若魚水亦  
不捐不遏矣然與命弗融設施未究跡其爲 高皇  
所與其亦章濫陶安之流亞歟

布衣葉公亮傳

赤城論諫錄

公名亮字良仲寧海人以經濟自負尤精天文地理卜筮之學元末仰窺天運有歸乃以布衣獻太祖高皇帝武事一綱三日策言取天下大計太祖奇其言欲留用之公力辭遂賜銀幣裝衣以歸後數歲削平天下其規模次第悉如公言其策曰漢高祖之開基也以蕭何爲丞相何進養民致賢則天下有可圖之策光武之中興也鄧禹有莫如延攬英雄務悅民心之語足知取天下之際懷來民心采服遠邇莫先於求賢賢才歸則民心歸矣故曰舉逸民天下之

民歸心焉欽惟 華運中興當胡之既終乘曆數之  
有歸明公連百萬之衆所向無敵開國金陵控制萬  
里金鼓一振諸郡悉平夫閣下既膺上天之寵任收  
高高光之功業所以攬英雄致賢才者非 明公而  
誰乎是以遠方慕義之徒莫不歡呼奔走而况南方  
之人久偷異俗一旦聞 明公用夏變夷挈還禮義  
之鄉仰慕愛悅之私又何如哉思欲進謁以摅所蘊  
久矣然遠方卑賤之人墮在泥塗草澤之中無由自  
達于王公大人之門所居去金陵二千餘里又貧妻  
不能自至茲遇浙東行省左丞徵屢穴之士求鯁直

之言謹北向再拜校所上書及武事一綱三日特乞  
轉達以聞 明公雖未見其面觀其文足以知其心  
矣特賜垂仁采錄而振發之以勸將來則天下咸謂  
明公欲招致賢才先自隗始而四方風動莫不歸心  
寔國家萬世之洪基同符湯武並止如兩漢之功業  
而已哉伏祈 鈞察武事一綱日用兵之要胸中不  
可無一定之規模也規模素定則衆言不可惑循其  
序而行之則可以建功立業矣古之君子如韓信孔  
明之徒雖在畎畝之中已有定見特仕而後行其志  
耳韓信初見高帝盡取天下之策如指諸掌及爲大

將所言無一不酌孔明卧草廬與先主論曹採取劉璋因蜀資以爭天下終身皆行其言此豈試爲而僥倖其成哉胸中有一定之見故也今一定之規模宜北絕李察罕之招誘南併張九四之僭據督方國珍之歸順取閩越之土地卽建康以定都拓江廣以自資進則越兩淮規中原而取天下退則保全方面而自守願詳陳之昔漢祚旣微群雄角逐曹操挾天子令諸侯以自濟其私今之李察罕是也然劉氏乃中華之主承高光之餘澤民未忘漢故曹操倚之爲重特以成其志耳今元以夷狄之種僭據華夏民厭屋

滕思得真主一洗其習久矣而李察罕上不知天命  
之有歸下不察人心之厭胡亦欲效操之所爲跡雖  
同而實則異明公欲用夏變夷李氏變於夷者也  
而可乎哉孫權崛起江東未有定謀操督其來降責  
質其子策士如張昭者尚勸權從之況其下者乎惟  
魯肅初見之時卽廓開大謀謂漢室不可復興曹操  
不可卒除惟鼎足江東以規天下之舉勸除黃祖進  
伐劉表竟長江所極而據有之然後建號帝王以圖  
天下此高帝之業也足謀獨出眾人之表故孫權常  
比之鄧禹後其言皆驗夫長江天塹所以限南北也



自古名將莫不喪師於此陳友諒盜弑武昌今江南  
大勢必歸版籍張九四僭據蘇杭等處如彈丸黑子  
破亡可待方國珍據台溫慶如杭肉釜魚苟延殘喘  
福建兵脆城陋特義師未臨耳建康昔人以龍蟠虎  
踞有帝王之氣稱之誠東南之都會也建都于此守  
淮以爲藩屏守江以爲家戶如高祖之關中光武之  
河內以此爲基藉其兵力資財進則規中原以取天  
下退則保全方面而自守不失作孫權也李察罕敢  
窺吾之疆域哉且江之所脩莫切於上流而義兵去  
戟已克江州藩屏之勢愈固昔魏屯田皖城謀以弱

吳孫權力爭而魏不能有魏又以晉宗守蕪春欲以  
謀吳吳遣賀循襲取晉宗而蕪春屬吳夫皖與蕪春  
魏必欲取吳必欲爭者誠以上流之地喉衿之所也  
按皖與蕪春皆在江州足以蔽全吳矣况兩淮之地  
自安吉歷廬和州以至廣陵皆入化內既足以遮蔽  
建康又足以襟帶江州而安豐已爲重鎮之地足可  
守江以爲家戶守淮以爲藩屏矣又况張冠領覆可  
坐而策則通泰高郵淮安諸郡亦將來歸江之下流  
又得其全蔽自此前進固可以併李氏而取中原孫  
權不足爲也兌僻在遠方竊聞李氏妄自尊大致書

于明公如曹操之招孫權此言雖未知虛實敢效  
魯肅獻國家之大計此一定規模之綱領也三日一  
取張九四據平江爲巢江爲巢穴蔓延杭紹爲兩浙  
大梗跨涉通秦爲江北殘寇自古智謀之士莫不以  
傾人之巢穴爲先田豐說袁紹襲許以制曹公李泌  
欲先取范陽擣祿山之巢窟與李郭不謀而同殷美  
說陶侃急攻石頭以制蘇峻皆欲先傾賊之巢穴則  
其手足枝葉不攻而自潰矣今宜先舉兵進攻平江  
援梓警衆期於必克聲言一面欲掩取杭紹湖秀以  
分其兵力此李愬攻蔡不取吳房之義也倘城堅守

固難以遽拔則以鎖城法守之鎖城法者却於城外  
矢石不到之地別築長圍環繞其城於長圍之外分  
命將卒四面立管屯田固守斷其出入之路絕其內  
外之音仍設官分治所屬州邑務農種穀撫字居民  
收其稅糧以贍軍士彼守空城亦將安用夫興師十  
萬日費千金城中之糧積於公私者有限城外之糧  
產於土地者無窮以無窮待有限彼將焉往此正合  
兵法城小地大則先收其地之利得入則我之尺得  
寸則我之寸也今義師圍之不克或數月而解或半  
載而罷或攻或輟屢圍屢解適所以長彼之志益彼

之備也故當圍之之時則嬰城固守及圍既退之後則運糧輓粟復爲防守之計是皆不絕其內外容其出入之故也倘內外懸隔糧無所入食盡兵疲內變將作一舉殄滅矣平江旣下巢窟已傾杭越必歸餘郡解體此上計也彼巢穴遠在平江而跨江涉海遠據紹興於勢必變義士所以遠攻而不克者以彼運糧自三江斗門而入也苟一面以大兵攻平江則不及運糧矣一面攻杭州則不及赴援矣夫糧絕無援必然可破所攻在蘇杭所取在紹興正合兵法多方以誤之之術也紹興旣拔一臂先斷然後進兵攻杭

唇亡齒寒勢必傾覆杭城既拔則湖秀望風而畏矣  
羽翼既剪然後進攻平江巢穴必傾則江北之餘孽  
隨而瓦解此次計也張冠一剪基本永固息兵則無  
侵軼之虞速攻則無持虛之患進可以越兩淮而規  
中原旁可以併福建而制江廣折衝萬里混一天下  
此取張冠者正當今之急務也二取台溫慶戊戌年  
冬大兵克取婺城已亥年春方國珍卽奉書納款送  
子爲質是後信使往來講結舊盟未嘗闕也雖然懷  
子野心豈有馴狎之性張虎遺患必有反噬之禍庚  
子年春命夏博士陳顯道招諭遲疑不允其反覆不

忠而懷二心可見矣辛丑年又遣使從海道詭報殘  
元謂國家欲舉土投降以中原路阻特委吾由水道  
納款詎差張昶賁詔來宣於是遣燕叔義爲說客欲  
說明公奉詔叔義至大朝不敢啓口而還夫前日  
彼欲投降於我今反招我投降於彼是大不近人情  
者固宜興問罪之師矣然彼上計以水爲命一聞兵  
至望家出海中原步騎無如之何彼則沿海寇掠備  
東掩西爲巨害東南勦捕則漲鯨波招安則損國威  
夫上兵攻心彼自燕叔義回後已震懾跼蹐卽遣人  
招致陳顥道款曲繚綖欲其復進言於國朝杭越

既平卽當納土將以款我師耳其心如此攻之之術  
宜乘其機不可緩也彼方仰陳顯道又畏我舉兵可  
卽命顯道督其歸順以九月一日或十五日限之過  
限不從命則興師以征不服如此賄之彼必聽從此  
不戰而屈人之兵之義也必以九月爲限者彼畏我  
秋高馬肥又禾粟方登足充兵糧也宜速不宜緩者  
速則不暇爲意外之謀緩則遲回而計生一者彼自  
方國璋之沒自知兵不可用膽已先喪二者自燕叔  
義還稱義師之盛氣已先挫三者方懇陳顯道令爲  
誦護顯道大誇兵以恐之責其及覆以罪之可謂善



於說辭者矣正可脇之而從誘之而化也宣諭之後  
宜易官吏更年號甦民瘼慰民心收其稅糧散其冗  
兵革其濫官拘其船隻潛收其兵權以消未然之變  
如此則台溫慶三郡不勞隻騎而自服不可失時以  
長智也竊聞有人傳至李察罕與明公之書彼又  
遣人至李處結好意外之變不可不防以勢觀之惟  
及早督其奉命潛收其權以消未然之變是爲上計  
兵尙詭道不厭其密兵法謂幾事未成而外泄者敗  
更乞朝廷深秘此文蓋以方氏若知所言之人則  
家無噍類取莫大之禍尤不可以不秘也命陳顯道

宣諭之時併乞明公賜之書曰華運中興孤命師恢  
復江南所向無敵戊戌年冬舉大兵克取婺城旣與  
台溫慶三郡接境足下遣使投降送子爲質監此誠  
心特謂足下真知胡運之已終天命之有歸也夫何  
歷今四年延調歲月弗奉前命年號尚從其舊海道  
運糧復奉殘元設謂不忘舊主而然情猶可恕今載  
復遣人結好於李察罕其心謂何往者詭蒙殘元詔  
書以招安孤始也足下投降於我今也反欲使孤投  
降於彼足下反覆之心何異漢之隗囂哉本欲待秋  
高興師問罪尚念始初送款之誠又憫鋒鏑之下玉

石俱焚故特命顯道宣諭設官易制足下昆仲官爵  
不失元盟截自九月爲限汝聽與否皆在此日若又  
如前延引歲月問罪之師其得已乎葉克恭欲報東  
門之役喜山欲紓伍員之忿無分水陸動成壘粉公  
孫述徐道覆今如何哉孤不食言善自爲謀毋蹈後  
患此草初也討論潤色尚有待於當朝君子云三取  
福建福建舊爲浙江一道倚山瀕海兵脆城陋兩浙  
旣平聞風必懼宜遣辯士說之彼必心計江浙四道  
三道旣已歸順吾獨孤守一道將安歸哉必然聽命  
此李左車下齊之策也如或稽於送款自貽天討則

進兵一路自處溫而入一路自海道而至衝其關隘  
二道並進夾攻福州勢必從風而靡福州旣下餘郡  
莫不迎刃而解矣旣平福建威聲已振乃移兵進取  
兩廣猶反掌耳豈非千古之英偉哉

王君國祥墓碣

方孝孺

金陵王顯述其叔父王君國祥言戶行授余請文其墓上之石顯奇士其文辭甚奇至其叔父之事尤奇也余考之爲之言曰昔嘗讀太史遷書載戰國秦漢征伐攻取間事必有謀臣辯士之畧參乎其中或以一言脫屠陷轉敗爲勝或奉文書下千百城國之所由盛強豈特甲兵足恃哉蓋有文事之助焉近世史所錄名將爭戰之績則有之矣而言辭之士寥寥罔聞豈馳說騁辯者不若古之人耶抑有之而莫之述也以顯所言王君說元御史大夫福壽以計破取二盜

將如探鼓雖然固策士也哉而世不聞其名雖當時人亦不知計出乎君君說大夫時年六十二年且高不喜名名不聞於世至死而不悔古策士能之乎此其事足稱矣君諱元吉國祥其字也曾祖君祥祖子某父閏之君兄弟三人於次最少而重厚好問學自幼奇偉喜兵家書輒以其意爲人言之人笑其過君曰君凡子何足聞此吾誠過也年十四歲饑與兄行羅旁縣道遇盜利其果將劫之兄懼走匿君不爲動徐給罵曰庸縣官使吾運粟許遣夫防我而不至若豈防夫耶後有粟車數十兩若其防後至者盜以爲

然散去里中長老固已異之後大夫福壽在金陵盜  
陳也先潘甲率兵數千自稱爲元帥聲言討賊索軍  
食城下大言殺人守將閉門伏不出大夫憂不知所  
爲君造門論以禍福說累百千言驚其座人大夫亦  
驚喜起問計君曰今城中無一軍而盜兵悍甚此雖  
與爭鋒當以計破之盜索芻粟公宜開城門陳芻粟  
車若將饋之者而陽以好言紿之請一元帥以卒來  
取芻粟彼聞吾言不測吾淺深兩人必相讓則主者  
必自來吾以計殺之而制其一人易矣大夫從其言  
既而潘甲果至執殺之也先失勢亦自敗去君絕不

以語人又去而之燕秦齊魯之間陰察諸藩預知不足與言復歸金陵而 今上已得江惟卽金陵爲帝都鄉間子弟多致大官君嘆曰 人主在吾鄉而吾求之天下吾之命薄明矣尚多談何爲因噤不更談世事隱醫肆中自給刮落鏹鏹不露幾微故習恂恂務爲訥樸事父孝謹友其兄得恭遜意與衆人處不求其異人莫知其爲奇杰士也卒以布衣終年三十有九君爲人敦風誼知好尚當世名士多喜與交父喪致客千餘人挾其所長嘗以自高而人莫能高之世嘗謂古昔能言士多死於言爲奇謀士多以謀敗



國因謂皆不若愚之全此要非篤論彼不善於用各有以取之非智辯之罪也若君之所蘊而視時察變不以得喪爲累謂善用其智辯者非邪

鄭顥公傳

鄭善夫

天祐公字君作淑公之後少磊落不羈知元運將革  
自負以豪傑之才耻與牛豎同皂處南湖塢中意洒  
然也是爲南湖處士晚年世益亂上下溷賄上自達  
魯花赤下至邑子丞尉競爲饕餮降其風而化之乃  
憤然有回淳反朴之志恤恤然賙貧鮮寡一物價平  
出納使世之貪鄙也銷後游四方齎餘貲凡遇生物  
無大小貴賤卽斲而放之如是者十餘年人不能測  
其所藏咸呼之曰顥公云公嘗假三世出其價已盡  
後其子匱乃召而告曰而父所斲田若未盡而值也

給如之至其孫匱復告曰而祖所鬻田若未盡而直也給如故晚年每辟火食日醉醇酒數勺微醺輒麻鞋散髮走道上嘯歌屈原漁父篇以自況其志或勸之仕乃喟然漫答曰而不見飛廉氏馬乎其一朱鬣白羲龍駱鳳臆終日不釋轡卒以熱死其一垂頭昂尾駝頸駱膝踈臂善歟棄諸野終年而肥古之達者固不苟潔以罹患不避穢以養精也茲蓋得之舊譜叅之故老所傳云爾古之人有逃名狎狂裂冠毀冕而求自拓其所極者世未易知也埋蛇渡螳近不在其身則惠應之於其子孫云

## 王冕傳

王冕者諸暨人七八歲時父命牧牛隴上竊入學舍聽諸生誦書聽已輒默記暮歸其牛或牽牛來責蹊田父怒撻之已而復如初母曰兒痴如此曷不聽其所爲冕因去依僧寺以居夜潛出坐佛膝上執策映長明燈讀之琅琅達旦佛像多土偶穢惡可怖冕小兒恬若不見安陽韓性聞而異之錄爲弟子學遂爲通儒性卒門人舉冕如事性時冕父已卒卽迎母入越城就養久之母思還故里冕買白牛駕母車自被古冠服隨車後鄉里小兒競遮道訕笑冕亦笑著作

卽李孝光欲薦之爲府史冕罵曰吾有田可耕有書  
可讀肯朝夕抱案立庭下備奴使哉每居小樓上客  
至僅入報命之登乃登部使者行郡坐馬上求見拒  
之去去不百武冕倚樓長嘯使者聞之慚冕屢應進  
士舉不中歎曰此童子羞爲者吾可溺是哉竟棄去  
買舟下東吳渡大江入淮楚歷覽名山川或遇奇才  
俠客談古豪傑事卽呼酒共飲慷慨悲吟人斥爲狂  
奴北游燕都館秘書卿泰不花家泰不花薦以館職  
冕曰公誠愚人哉不滿十年此中狐兔游矣何以祿  
仕爲卽日將南轅會其友武林盧生苑澤陽畦兩幼

奴一童留燕俚俚無所依冕知之不遠千里走潑陽  
取生遺骨且挈二女還生家冕既歸越復大言天下  
將亂時海內無事或斥冕爲妄冕曰妄人非我誰當  
爲妄哉乃携妻孥隱於九里山種豆三畝粟倍之樹  
梅花千桃杏居其半芋一區種韭各百本引水爲池  
種魚千餘頭結茅廬三間自題爲梅花屋嘗做周書  
著書一卷坐卧自隨秘不使人觀更夜深人寂輒挑  
燈朗誦既而撫卷曰吾未卽死持此以遇明主伊呂  
事業不難致也當日佳時操觚賦詩千百言不休皆  
鵬鴒海怒讀者毛髮爲聳人至不爲賓主禮清談竟

日不倦食至輒食都不必辭謝善畫梅不減楊補之  
求者肩背相望以續幅短長爲得米之差人譏之冕  
曰吾藉是以養口體豈好爲人家作畫師哉未幾汝  
穎兵起一一如冕言 皇帝取婺州將攻越物色得  
冕寘幕府授以諮議叅軍一夕病卒冕狀貌魁偉美  
鬚髯磊落有大志不得少試以歿君子惜之 史官  
曰予受學城南時見孟竄言越有狂生當天大雪未  
足上潛嶽峰四顧大呼曰遍天地間皆白玉合成使  
人心膽澄澈便欲仙去及入城戴大帽穿蓑衣曳地  
而行雨扶軒蕭譚笑溢市中予甚疑其人訪識者問之即冕也冕  
真惟民哉馬下黑馬不足以及見其奇才冕亦類是夫

邢公量傳

邢量字用理長洲人隱居葑門以醫卜自給性介  
不娶與人無將迎足跡不出里門不畜奴婢弊屋三  
間青苔滿壁折鐺敗席蕭然如野僧長日或不舉火  
客至相與清坐而已其學自經史外凡釋老方伎之  
說無所不通室中卧榻之外皆藏書並手目校定或  
叩之信手舉似不事翻檢文章簡古亦不苟作同己  
沈誠字希明生稍後隱操亦高雖居通衢鄰里莫識  
其面朝士有欲過之者固謝不納誠博學問無不知  
然短於著述故無所傳云



龔大章先生誦傳

龔誦字大章崑山人父啓洪武初爲給事中請戍死  
誦少依母族冒姓王氏旣長隱迹田里肆力經書晝  
夜不輟尚書周忱屢至其家咨訪時政兩薦爲松江  
太倉教授皆不就田三十畝力耕自給晚歲獨與  
一老婢居破廬中種豆植麻誦歌自適沒年八十餘  
門人私謚曰安節先生

賀友菊先生確傳

陳鎬

賀確字存誠其先隴西人國初徙四明再遷金陵行古而醇學博而要少事舉業試有司一不利卽棄去曰是不足以盡吾學也遂益肆力于古自六經子史以至于天文地理醫卜之書無不覽究爲文辭下筆輒有古風視世事若無足以當其意者以菊有隱者操篤愛之別號曰友菊其於富貴功名漠如也與諸名公爲古道交自視恒歉然而能忘人之勢或語及古今成敗人物賢否政治得失則鑿鑿有據學士周公叙嘗以其有史才薦修遼金宋三史力辭不就有

司建爲鄉飲大賓幅巾深衣曳杖道遇饑度整肅望  
而知其爲君子之儒暇則縱尋山水間優游以老年  
躋九十三而卒所著友菊詩集八卷行于世

王半軒行傳

半軒諱行字止仲王姓半軒其號也蘇之吳邑人初  
父某爲開門南市人市藥以交游紛繁挈之爲已助  
半軒尚若年藥喻千品悉志其某某若多寡酬應無  
或遺主媼老好聽稗官家說卽默記致本迨晚秋之  
爲娛主異之爲語若能讀書否耶授書論一帙翌日  
已成誦矣遂大奇之罄以所庋經史百子悉其探賸  
大有所得年未弱冠辭去啓蒙於城北望齊門舊居  
時聲譽殷發願交畢至而議論踔厲證鍊今古常加  
其座人然家徒壁立几無留策詢所學曰向得之某

主人耳爲詞章汪洋奧美關節開解千緒萬端參錯  
架出一時老生咸畏之臨川饒參政介之分守浙右  
以詞翰豪視東南號醉樵爲之詩歌者殆編惟難於  
一文耳間延與語曰是非莊騷家言莫殫其形容卽  
席爲說不加點竄饒仆地曰吾見中朝才僑亦夥未  
有類子敏而奇者真天才也亟疏薦以天下多事半  
軒亦斬弗售長洲周莊沈達卿其父號萬三秀者貨  
殖當世爲禮聘於家塾母成章輒償白金以鑑半軒  
梁庵去曰使金塢可守則然濟之慘無及也吾言止  
如是直何濫取多田翁爲洋三吳鼎沸所據者恃多

聖礮石自固半軒私語曰兵法不云乘何以制剛也  
或詢何居曰談植蕩條頤而韋者繫布於其端如悌  
慷慨人出沒其下雖礮至而布必隨之低昂則人無  
害而不可盡矣後大將常公提兵至果用是計而城  
遂破所交靡不服其談兵之有徵也洪武初郡庠延  
爲經師時訓導無常祿餽儒生衣巾弟子負多出結  
紉皆易之以五經雜進問難半軒悉爲辯講極底蘊  
泊刪潤課業刃迎縷解所有詳明至是乃吐舌曰王  
先生未可以詞章僞目之故有行者野皮避麓之號  
以其該博而無滌瀟也郡守江夏魏河內王俱名觀

者以國子祭酒刑部侍郎前後遷於蘇省多之恩聞  
之朝而不果年向老解任避跡于吳山之石湖以經  
訓爲常凡碑銘序記等文求著作者悉歸焉間寫圖  
題其上自適旁通緇黃家學與論苦空玄寂果日忘  
倦率教其厭憚合什稽首謂澹如居士真再世人耶  
尤深契道衍謂必有知者晚更號楮園有楮園集十  
五卷半軒集六卷學言稿十三卷四六初于二卷通  
意宜資十卷朱系統圖二卷人咸謗傳生二千皆役  
于京屢言疎省間欲見親以慰半軒欲往或尼以法  
網固密非儒者泮奐之日迺微哂曰虎穴尚可嬉吾

韋布士何望哉抵京主一祝家因之見重於梁國監  
公延之西塾誨其子若孫并資問益每悵相知之晚  
數薦之 召對反勸 上行王道正禮樂簡賢立根  
爲首務以其迂闊於事弗之聽也未久以他事獲罪  
連坐以歿實洪武廿八年三月十二日年六十五云



白鹿生楊恒小傳

宋濂

白鹿生者諸暨之人也風神峻爽翹然欲超羣其外族曰方建塾聘賢傳館四方游學士生徃受諸經領其玄旨稍事文墨輒峻潔如淵珠衆譁曰生賦資絕倫非積功所可及盍遜其一席地聲光流婺越問煜煜能動人競要遮作州間師數弗應浦陽江上有鄭氏一宗果五十室同案而饒戒子姓執贊致辭生躍然興曰是或可爲也卽日上道舉比中居以倡道爲己責與諸生言必稱曰昔之人曰昔之人日摩月切操行有可觀歷十春秋自以精明不逮前時退居白

鹿山戴後冠被羊皮裘帶經畊烟雨間暇則吟風弄  
月傲睨萬象若不知古今之殊軌有識者莫能窮其  
際高郵樂鳳來爲州牧獨造門拜曰鳳聞先生賢言  
行無悖古先哲人願爲州學士師生牢讓不起鳳不  
得已令間右子弟卽其家問道州政有闕失鳳必移  
書諮訪生白以利病裨助恒多後若干載殿中侍御  
史唐鐸出守越欲辟起之生力辭如前鐸不敢強生  
性醇篤無銖髮矯僞與人語出肺肝相示耻爲覆藏  
事乖名義峻言斥之弗少恕家無儋石儲臨財甚介  
山氓誤坐法當死生憫其憊愚謀諸鄉鄰活之氓輟

烏健爲謝生拒之頻賴于地潛然隕涕生曰東作方  
興非牛何以畊俟三冬或可爾至期氓復來請生反  
覆譬曉之乃已州人士求連生族祝生持其成暨委  
禽致餼繼以金幣生笑曰孰謂君子而可以貨誘乎  
悉遣去人復譁曰是可以義取者生尚不之欲況其  
他乎於是鄉人教子者恒指生爲法效學焉生名恒  
字本初姓楊氏白鹿生因其所居號之云 史官曰  
余與生游者三十年不可謂不相知者待罪國史時  
遂自執政薦之入成均聞生不受州縣辟事乃寢然  
其行義可法者不當使其泯泯因而造小傳知右隱

之與類非所以論生也

竹溪逸民陳洄傳

宋濂

竹溪逸民者幼治經長誦百家言造文蔚茂喜馳騁  
聲聞燁燁起薦紳間意功名可以赤手致忽抵掌于  
几曰人生百歲能幾旦暮所難遂者適意爾他尚何  
恤哉乃戴青霞冠披白鹿裘不復與塵事接所居近  
大溪篁竹脩脩然生當明月高照水光潏潏共月爭  
清輝逸民輒腰短簫乘小舫蕩漾空明中簫聲挾秋  
氣爲豪直入無際宛轉若龍鳴深泓絕可聽簫已逸  
民叩舷歌曰吹玉簫兮弄明月明月照兮頭成雪頭  
成雪兮將奈何白漚起兮衝素波人見之嘆曰是誠

世外人也欲當見且不可得况狎而近之乎性嗜鞠  
禮之滿園顧視若孩嬰黃花一開獨引觴對酌日入  
不倦人讓其留物怒曰舉世無知我知我惟此花爾  
一息自怡尚可謂滯於物耶復愛梅梅孕綠萼微吐  
赤脚踏雪中若溫見輒凝視移時目不瞬且大言曰  
知我者惟鞠鞠已謝我去幸汝梅繼之汝梅脫又謝  
去我當上白鶴山采五芝耳白鶴山蓋溪上諸峰云  
邇民年五十益恬泊無所繫間私謂其友曰吾於世  
味愈孤矣將漁於山樵於水矣其友疑其誕逸民日  
樵於水志豈在新漁於山志豈在魚是無所利也無

所利樂矣子以予果滯於梅與鞠耶君子以其語近  
道有類於古隱者相與傳其事逸民所未嘗言則無  
從知之矣逸民陳姓洄其名烏傷人 史官曰昔日  
李白與孔巢父等六人隱居徂徠山世仰之以爲不  
可狎近爲號爲竹溪六逸寥寥七百年後而逸民亦  
以竹溪自名若出一轍豈聞風而興起歟縱曰其地  
或殊人之衆獨有異高風絕塵照映後先其安有不  
同者歟士之沉酣聲利而弗返者盍亦知所自警歟  
夫自范蔚宗著後漢書以隱逸登諸史傳歷代取法  
而莫之廢者其意又豈無所激歟雖然逸民之自爲

明倫彙編  
家範典

卷一百一十五

忠孝類

忠孝類

忠孝類

忠孝類

忠孝類



溪漁子王顯傳

方孝孺

溪漁子金陵江寧人少脫畧不拘與羣兒嬉遨輒處其上而什伍部署之令之曰之左則趨之左曰之右則折而右無敢過視者溪漁之父素長者常禁切之納之學使讀書時時棄去不肯帖帖諸生間而所業未久卽遇諸生數倍諸生大畏之其師亦奇之謝曰子非吾曹人也溪漁子亦自雄其才志嘗往來江淮之南結交大俠異人論古人功業遇當其意徘徊歎息仰天拊髀若有意於從之迹也與天台林右張穀最善右亦豪士善擊劍知兵而長於爲文穀陽狂飲

酒自放於歌詩二人皆自負高一世嬰豎視同列溪  
漁子在淮上嘗釣海濱望見二人踞坐大笑二人者  
知其非庸人也卽與之語大驚異其所爲引歸逆旅  
主人出酒相飲攝衣跣行起舞爲樂驩聲撼數十百  
家辨難上下古今事折衷損益根據理道識者知其  
非狂生或不識其爲人共矚指笑之以爲真狂或又  
疑其爲神仙人云溪漁子舉若不聞過適其志鮮衣  
怒馬行衆人中見者爭觀之否則被污垢短衣逐躡  
市人後市人吁之弗辭也後溪漁子盡悔故所爲買  
書千餘卷伏而讀之爲文章奇偉伉健然耻以自名

常曰漢無儒者惟賈生諸葛孔明耳唐人陸贄粗有識然不足庶幾王道所貴乎學將以輔天地所不及不然多讀書何爲識溪漁子者聞其論高愈疑之終莫能測其爲何如士也或曰金陵有隱者王顯微仲好奇溪漁子卽其人云或曰非也方子曰古者豪傑士其身未遇志未信于時寧晦于屠釣以自全不忍以細利挫其心彼誠有以真知輕重之分也溪漁子坐都邑中而遠利詭隱使人莫測其淺深此其志不苟且也明矣要之一世奇士哉

東岡高士施鳳傳

王鏊

予與世寡諧人亦鮮與諧者立朝幾四十年日接天下士而所與友者財四五輩皆海內名流也晚歸洞庭得一人焉曰東岡高士高士名鳳字鳴陽其先本出自吳有華二府君者元季館于施遂姓施氏其伯父修撰公正統乙未舉進士爲天下第一入翰林爲修撰未二年卒天下惜之高士少有志紹修撰之烈隨大父質遷淮陰晝執事夜勸誦讀或行道中默誦所肄觸人莫覺也嘗經孟子河與濟輩閱道傍碑一過曰吾能識之矣歸而書之不失一字時倪文僊

公爲南京禮書文僖修撰同年也以所業往見文僖  
驚焉爲介于陳御史直夫直夫理學淵邃得之甚喜  
曰從吾游者多矣好古不同流俗惟鳴陽一人嘗語  
之曰科第易得成一名爲難於是益潛心理學所得  
深矣旣歸吳中時浮梁戴公董南畿學政遣縣丞敦  
遣入試君以病辭固召之又辭蓋君勤學過苦因得  
眩病自是不復事舉業雲間錢學士亦修撰同年也  
以經明行修薦諸部使者或者因以牟利君曰以利  
媒進吾不爲也自是不復事進取先壠荒穢綽楔傾  
圯君傷之而力不及有言於當道者有司爲之葺理

君因慮于墓所開門授徒闢圃鑿池養魚種樹君性  
度寬和而有思致種時必謹察天時物土之宜淺深  
跋審卑高向背盡草木之性故所植皆蕃茂多實久  
之枇杷楊梅甘橘葡萄茶落罔不畢具松子挺竹千  
竿樹皆合抱成林君食貧礪行非其義不取有不足  
亦不以干人疏食餽粥案惟三九敝衲破帷十年不  
易亦不垢污敦行孝友恭慎遜讓家人輩皆化之僮  
僕皆循循慤謹初鄉有狂悖數犯君君不校益厚之  
其人則自悔改自是鄉人無敢犯者有盜爲暴君使  
人借之盜曰歸語汝主安眠吾不爾犯也山人多淫

祖君一切華去戒其家勿得事浮屠道士四時享祀  
一依古禮少苦羸病晚乃輕安登山步履如飛燈下  
能讀蠅頭細字壯者或病焉晚構一臺於松竹之間  
客至相與宴飲怡然終日人夫嘗見其有戚容客有  
貴者過而問焉曰君何所得而樂若是曰吾無得也  
吾所欲易足耳貴者惘然自失曰吾足而不足君不  
足而足然則君其富耶吾其貧耶太史公曰甚哉世  
人之奔利日夜營營日增而日不足也是何耶近聞  
貴者享權倖千金以爲其權貴享之百金以爲病其  
無紀極則其務得也亦無紀極孰若高士終年無所  
費無所取而常自足耶吾是以傳之後世有鑒焉

袁飛卿先生翼傳

文震孟

飛卿先生名翼其字飛卿吳縣人少警敏十歲能把筆爲文有奇語稍長益事博綜奇文秘記日討尋不厭聞有異書輒奔走求之併金懸購至解衣爲質弗惜也正德中舉于鄉以母病不赴自後途巡凡二十年遂以自老平生名義爲急口不言財利事與人處無岸谷而任情矯亢不能俛仰一有齟齬狂叫奮擲是是非非必達其志晚益骯髒深藏不出讀書樹藝自娛而已闢小圃種菊數百本嘗曰吾於是萬事可捐惟積書栽菊不能忘情或時餽饗不繼固以所有



欣然自樂不復知吾貧也優游六十餘年而卒論曰  
跡袁先生生平蓋亦一時奇曠士也袁先生多讀書  
善制舉義其名篇大都入王文恪稿中而先生不第  
故世知文恪不知飛卿卽所著撰古文詞亦竟散逸  
亡存者昔人謂文之傳不傳故自有命我不信夫子  
况其大者哉

史明古公鑑墓表

吳寬

吳江穆溪之上有隱士曰史明古其爲人足跡不出  
百里之外然江淞間人知其名至于郡縣大夫亦皆  
禮下之而予取以爲友蓋四十年于此矣其志正而  
直其言確而厲其所爲無弗依於禮者當其壯時患  
閭里之人以巫覡惑衆上書縣中欲盡除之曰此皆  
不容於先王之世者不除則風不正禮敬何由而行  
耶與人論事辨說超踔坐客莫能屈至有所感奮詞  
氣益峻雖達官貴人衝突不顧見依違徇情者心輒  
鄙之其治家辨內外定上下嚴若官府凡吉凶之事

悉遵俗而行必倣於古知禮者取之其學于書無所  
不讀而尤熟於史論千載事歷歷如見而剖斷必公  
蓋有宋劉道業之精至于時事人言得於聞見往往  
筆之成編則有洪容齋之博若錢穀水利之類皆知  
其故使得郡縣而治之恢恢乎無難者爲文章紀事  
有法醇雅如漢人語詩則不屑爲近體興至吟聲唧  
唧冥搜苦索欲追魏晉而及之家居甚勝水竹幽茂  
亭館相通如入顧辟疆之園客至陳三代秦漢器物  
及唐宋以來書畫名品相與鑒賞好著古衣冠曳履  
揮塵望之者以爲仙也間與親友具鉞峯數人肩舟

往來月爲雅集以鴈詠相娛樂又嘗與劉會憲流石  
田諸公游武林經月忘反所至爲文記之曰此未愜  
吾志也會當絕大江北游中原覽岱華法河清循王  
屋廬阜而歸乃爲快耳晚歲益務清曠室無姬侍簪  
小雅之堂方床曲几宴坐其中或累月不至城郭至  
卽正宿僧舍前二年予家居一日忽冒暑見過飲水  
數碗而去又二旬而疾作家人進藥俾持去曰吾治  
棺待盡久矣且吾年六十三又天耶竟卒弘治丙辰  
六月庚子也明古狀貌奇偉鬚髯張平生喜交遊  
持信義四方之士過其門者不絕於所厚者有過尤

好面拆故人以直諒稱之少謁武功徐公公與談史  
卽許其有識遂數從議論三原王公巡撫江南時聞  
其名延見之詢以政務尤器其才然未嘗言及私事  
公益重之且恨其老而不用於世也君諱鑑字明古  
自號西村人稱西村先生曾祖彬祖晟父珩母凌氏  
繼母朱氏娶李氏子男二人曰永錫太學生曰永齡  
縣學生友一人適鄉貢進士吳鏊孫男四人曰曾同  
曾繼曾邁曾達曾同縣學生孫女二人曾孫男一人  
曰夢楨明古卒之明年子與文溫州宗儒往哭之其  
子卽以墓文請予念失此良友方竊悲傷何文之

能爲顧有終不得已者乃卒之四年己未三月庚申葬於吳縣西山之博士塢爲表之曰嗚呼世有信古執禮如斯人者乎世有博洽好學如斯人者乎有才之達論之正如斯人者乎亦有剛直好義高曠絕俗如斯人者乎有如斯人當觀其糾達生順命能保其躬嗚呼明古庶無愧于其中

白雲先生趙元銘墓碣銘

黃綰

文獻之稱吾台舊矣至國初鄉閭在在皆有人廉  
介忠信孝友嫻睦足爲楷範及成化弘治間遺老猶  
存某爲童稚每於里閭得觀瞻焉雖一語一揖亦聞  
訓誨尚知向方但敦朴之過浮薄反爲訾笑自此人  
學流通至今遺風蕩然莫或存者於乎悲哉白雲先  
生某外皇母從弟某所謂里閭得觀瞻者也先生之  
先閩柯山人諱徵明爲福州司戶石晉開運二年棄  
官避亂浮海至樂清大塢居焉今隸太平曾祖諱溥  
祖諱某父諱惟恢皆以孝義重于鄉先生少讀書務

婦人不事章句孝弟嫺睦之行一無可愧而尤嚴閨  
門之別接人恭慎雖迫減獲亦無情吝少庸家難未  
妻及長定婚盤峰江氏父卒衆欲徇俗借婚先生不  
可遂三十二始娶焉初寓武林館人文恃其姿潛奔  
先生卽拂衣起去之樂清蔡知縣家富於貲初議以  
次妻伯兄未問名兄卒欲以先生諸禮謝不可戶充  
糧長每至輸戶家卽褻殮持以自隨嘗以廣盈二倉  
輸米五十石倉官旣與之串又誤以串遺卽持還之  
鄉人親戚貧乏輒賑之歿則爲助殯葬兒女孤貧爲  
之婚嫁假貸不計其息凶年則焚券以寬之晚而家



落亦不之倦被強暴侵辱不介意一日行海濱遇醉  
人欲擠之水旁觀者不平欲撻之先生頗笑曰此人  
變常矣不宜與較至夜其人嘔血死江氏先卒墓上  
植松數被惡隣伐之殆盡或語邑大夫欲絕以法以  
詩謝曰千載白雲長自在十年之計等浮漚將嫁女  
買卒詢是良家子卽擇配嫁之其鄉居民有先世佃  
僕今以富強故相凌犯先生退然不與之較先後郡  
邑大夫如袁公道丁公隆葉公贊陳公相特加禮重  
嘆曰忍難忍事順不順人可謂羣鳥之鳳衆獸之麟  
矣袁公丁公皆躬拜其門袁公有詩曰茅屋山中老

和雲日採薇縣官彊一見雲氣尚蒸衣先祖文毅公  
慎於許可居選部時嘗以書遺曰執事肥遯山林誦  
詩讀書凡所以修諸身刑諸家施諸鄉邦者無一不  
在規矩內方諸古人實爲無愧隣有君子久不能知  
近方得諸兒曹又何以知天下之賢也每稱諸縉紳  
故文正李公以扇書詩寄曰京國由來不計春採芝  
人遠夢應頻天門拾得青鸞尾寄與山齋掃白雲平  
眉手不釋卷雖隆寒盛暑衣巾未嘗去促夜半思所  
讀書中意旨輒起持書坐逮曉或有所得以至忘食  
人皆以先生言行無愧古人故以趙古人稱之平生

寡疾年九十忽語其子曰我歿矣昔我年三十時於  
黃堂祖源山中遇一老人鬚眉皓白執手語曰子有  
僊風道骨復期與會回首老人不見逾十年果會又  
期紫微山復會我昨曾夢紫微山得非歿之終乎言  
畢而卒先生姓趙氏諱元銘字廷時別號白雲也生  
於永樂甲辰八月十五日卒於正德癸酉六月十六  
日

## 龍光傳

龍光吉水人因其子履祥見陽明王先生于虔臺光爲人跌宕慷慨喜交游大起庭宇常歌舞飲燕爲豪絕不類吉水土人然與之策事凡轉機發莫能相難貌清古昂鼻多髯頗似先生先生悅之以爲軍門參謀携之巡視閩中至豐城聞宸濠反同事者錯愕口噤莫知計所出光贊先生易舟南趨吉安又慮濠速發南都無備或許爲兵倣以撓其進止或僞書反間離其心腹陰謀秘計多諸將士所不與知後九年先生有田州之後復檄以從特將撫盧蘇王受而二酋

方疑先生殆已陰持兩端擁衆二萬人技降實來觀  
衆先生遣光諭意光單騎入營衆方露刃環之數十  
里呼聲震天光坐胡床引二酋跪宣 朝廷威德與  
軍門寬厚不殺之意辭懇聲厲意態閒雅二酋俯首  
獻款誓不敢負議遂定自先生擒濠以來權閹肆譖  
公卿猜忌光爲之詭辭款囚遠偵防變得于目授意  
使而應于謾對立談之頃有高才弟子所不能爲力  
而獨寄心腹于光者先生既卒功賞不行光抱耿耿  
無所向而世亦莫知光之爲奇士也

北山龍公墓志銘

羅洪先

正德丁丑陽明王先生以都御史督軍虔南日與士人談學於是虔吉士人多出門下吉水國子生龍履祥將往其父北山翁怒罵曰是皆飾虛名誑人者汝何得爾廢食偃卧不起履祥至涕泣請不報不得已許之履祥故修汰驕逸難近數月歸馴馴如處子翁喜曰吾今乃知王先生因履祥以見願執事終身翁爲人跌宕慷慨喜交游太起庭宇常歌舞飲燕爲豪絕不類吉水士人然與之策事凡轉機發莫能相難貌清古昂鼻多髯頗似先生先生悅之以爲軍門參謀携之巡視閩中至豐城聞宸濠反同事錯愕口噤

莫知計所出先生易舟南趨吉安翁實贊之義兵起  
集田僮百十人傾貲備鎧仗以從先生慮濠速聚南  
郡無備欲以僞符疑兵綴之然濠謀四出諸郡士人  
積刦於威多以耳目應計泄事且不測獨翁出入帷  
幄密援方畧親信義之割愛遣之往往陷虎口不返  
吉水士人素重自守而耻外援見翁先後所爲若是  
莫不鄙薄之謂有他望如翁昔日罵履祥云者翁  
亦避匿不敢露濠旣擒先生上公卿書曰致仕縣丞  
龍某等或詐爲兵檄以撓其進止壞其事機或僞書  
反間以離其心腹散其黨與陰謀秘計蓋有諸將士

所不與知而辛苦艱難亦有諸部領所未嘗歷蓋記  
實也嘉靖初論公賞以翁賞爲大足丞旣致仕遷授  
直隸滁州判官閒住廕一子爲冠帶總旗論者多以  
爲屈而昔之鄙薄者口實益張翁不爲悔後九年先  
生有田州之役復傲以從是時將撫盧蘇王受而二  
酋方疑先生船也陰持兩端以衆二萬人投降實來  
觀歟先生遣翁諭意翁乃數騎往蘇受之衆露刃如  
雪環之數十重呼聲震天翁坐胡床引二酋跪前宜  
朝廷威德與軍門寬厚不殺之意辭懇聲厲意態閒  
暇二酋故嘗物色先生形貌竊疑以爲先生潛有威



俯首獻款誓不敢負議遂定自先生擒濠以來權閥  
以讒搆攘功公卿以猜嫌嫁禍翁爲之詭辭款凶遠  
偵防變得於目授意使之餘而應於謾對立談之頃  
有高才弟子不能爲力而獨寄心腹爪牙以出萬死  
於一生者先生旣卒功賞廢閣翁抱耿耿無所向退  
而垂老於家年八十有五以卒蓋非經世故之久擅  
才智之用莫有知翁之爲奇也翁名光字冲虛其先  
爲永新人有曰龍聖祐始徙吉水又六世爲羅川七  
世爲時霖八世爲翔宇翁之曾祖父也翔宇負義氣  
入粟於官爲義民娶東溪廖氏以成化庚寅正月三

十日生翁八歲爲諸生十二入貲爲國子生三十六  
爲大足丞六年致仕娶東坊毛氏以明女先翁幾年  
卒生子一鳥卽履祥女一適三都周某室禁氏無  
子履祥子子壽以善書選中書科儒士辦事文筆敏  
與履祥皆早夭子壽子雲今纔十二歲翁卒於甲寅  
正月六日後翁幾月禁氏亦卒其年九月二十三日  
葬翁仁壽鄉一都蔡洞李家山虎形首戌乾趾巽展  
與毛氏合而禁氏附其塋稍下翁與先君數往來而  
翁亦已老不待請而銘其葬墓以也銘曰方歎遲  
來指驪爲黃監車驥服孰辨駕良芳草懷人知己病

士千載一時才幾畢試欲施後世必附青雲志業有  
在焉又何云

吳府君綸墓表

王鏊

宜興有逸人焉氏吳綸諱大本字風神散朗操履修  
潔嶙然自踈濯於世之垢垢非其人雖貴弗與也非  
其義雖貧弗取也非公事未嘗一入城府值好風日  
或雨新霽肩輿行溪山間蒼鹿一白鶴一夾輿騶繞  
不驚不逸鄉人遙望之輒曰吳隱君來也扁舟往來  
吳越間必載鶴鹿自隨至叢林窮壑修篁灌木輒憇  
終日相羊吟哦不令主人知或知之輒奮絳轡去終  
不言姓名人亦不知其爲誰人曰其古韓伯休之流  
耶創別墅二於溪山間南曰樵隱西曰漁樂道過乎

其間自號心遠居士意以靖節自擬也偏嗜茗飲其  
出必陽羨顧渚非其地者輒能辨之其掇之必晴巖  
之必溫烹之必法有茶經所不載其爐竈融鬲灰承  
炭撻火焚之屬亦皆精絕古雅甚自貴重坐客四五  
人勺少許沫餽紛馥三四啜已罄必啜者有餘思始  
復進終亦不令飫也人又曰其古陸鴻漸之流耶喜  
作書雖老矣得法書名蹟必日臨數過其書往往爲  
鄉人取去藏之間閱古方書藥餌爲人治療亦多  
奇效家產不踰中人至義事爭先爲之歲饑富家多  
閉糴以牟利君獨開廩肆糴以賑饑或稱貸數負之

又數給之不吝人犯之亦不校邑有蜀山蘇文忠公  
嘗居焉君與沈司空韋拓地築室春秋饗祀至于今  
故太僕少卿李貞伯有卜居陽羨之意君分田宅招  
之至蘇必過沈石田流連浹旬乃去餘無所詣于仕  
登甲戌進士官戶部主事正德丁丑得封如仕官仕  
進禮部員外郎又以詔例加封命下而卒嘉靖壬  
午十月九日也春秋八十有三明年月日葬某山之  
原君晚年病忘若宋陽里葬子者一旦忽與然悟平  
生履歷了了臨終區畫後事細碎不遺已乃瞑目余  
昔過宜興與君邂逅荆溪間同余游善卷還過其家

余歸吳貽茶爐茶甌已又貽馴鹿一豈以余同隱逸  
之志耶君雖有封號之榮而其履歷風古則隱君  
子之流也故余最其隱行以表其墓上後之過者其  
以爲隱耶其亦吏隱之間也

張木庵尺墓碣銘

黃綰

台南逸民木庵張先生者諱尺字守度父諱璣涿州同知守官潔清沒至無以歛世稱爲廉張先生少孤無田廬族人使爲行童先生曰我儒家子啜水坐簞足矣何事外道乎樵蘇取給抄錄求直浙布政使秦公敬者涿州遇士也聞之招爲掾弗肯進之金弗受問所欲曰願讀書耳延與其子同學後卒辭歸秦亦不能留也先生念涿州垂沒時求一綿襖弗得終身感痛不衣絹帛臨老結數椽以居留之以鐫父墓碑平生與物無求與人交必有終卿先正復軒逸老方



石諸公皆偉人也洎余祖司空公咸稱其標節如古  
人云郡守山陽葉公贊姑蘇顧公璘吉水羅公僑皆  
待以賓禮顧公至榜列之以風六邑之人先生年八  
十有七卒無嗣余時乞休山中與季弟約率先生姪  
孫彬往歛之而葬于百家山之麓涿州公墓左邑大  
夫晉安王君欽高先生風烈請予表其墓且以白金  
如千付鄉人蓋亭樹石焉乃爲之銘曰台之山兮秀  
以銛台之人兮多介恬孰厥考兮德以賢嗟先生兮  
繼貞廉夜臺寂寞兮淚以霑清風悠兮白雲潰嗟泉  
先生兮在茲巖

維石翁董濬傳

黃綰

維石翁者不知爲何人也姓董氏諱濬字復宗蘿石其別號也先汴人始祖曰健朱武功大夫扈從南渡家於澈浦其後曰仲真者遷海寧之錢山澈浦世諱戎緒兄源當往戌蘿石請代之遂復家澈浦焉初學爲詩不解隨俗營生業遇時序之更風物之變古跡奇蹤幽岑遠壑及夫人情世態之可歎可哀可駭可憐可慨可慶一於詩寓之家徒四壁毫毛不入於心時名能詩者吳下沈周關西孫一元閩中鄭善夫皆與之游往來廣倡過佳展携親知蕩舟江湖拖屐雲

山凌危履險吟嘯忘歸放浪于形骸之外自得也凡  
所欲之至衝風雪穿虎豹亦孤往而不顧吳越好事  
家往往懸榻俟之因紀爲五館記平居樂義好施兄  
貧捐已產粥以給之海寧衛指揮其人因貧不能赴  
京襲職竭所有與之以速其行所知鄔魯者以田易  
直易畢魯疾革出券燬焉卒復經紀其葬然不謂已  
貧也每聞當世之賢人君子所在不計寒暑遠近輒  
投贊納交見後生工一辭勵一行者亟稱屢嘆之不  
能已晚聞陽明先生講良知之說於越不遠數百里  
往其門數日作而曰不爾可稱人乎遂幡然就子弟

列時年六十七矣舊所與游皆笑之翁曰從吾所好而已遂更號從吾道人先生爲之記云一日讀內典遂究心釋老忽若有悟者曰今日客得歸矣塵緣夢幻耳於是援廬山故事與海門僧法聚者集諸緇俗結社寺之丈室日精宗理又號白塔山人漱浦廢寺有鍾卧地俗傳其靈異乃募貲樹樓以登之甫訖工而疾不起若有待於翁者比屬續視日早晚日期至矣吾其歸與口占一詩曰我非汚世中者僞閑來七十七春秋自知此去無汚染一道天泉月自流遂瞑人皆異之其子舉人敘以予與雖有嘗有一日之雅

乃以九祀山人許台仲所爲誌寄王宗範請予傳之  
乃叙而論曰人各有志其品亦不同至其事每不相  
與然論世而考德者必歸而一之始定若蘄石翁者  
始嗜吟詩垂老執弟子禮於陽明先生之門爲儒學  
旣又逃釋老去吾誠不知其何志何爲何品者也吾  
疑之雖然就其所至而言則蘄石者實可謂超然斯  
世鏘鏘不入樂善無求者已其賢於人也何如哉

顧清甫源小傳

姚弼

顧源字清甫號丹泉世爲都城鉅族其日族國之勝  
甲子園闢內有成趣堂翠虛亭駐鶴山房澄懷閣印  
玉池俱不甚高大然雕拱丹鉛鈎心闔戶朱簾翠幕  
設以三代彝鼎庭下珍石奇花皆世所希觀太史石  
亭陳公贈之以詩云佳麗樓西羅市前王侯謝館地  
相連朱雀門通朱雀桁鳳凰山帶鳳凰泉建業繁華  
古稱絕十二官城開綺陌繁戟高門卿相家山池幽  
榭神仙宅六朝家世舊風流猶說山南顧虎頭花竹  
逕深如樂苑寬楹池遠似滄洲東晉香爐金簡字南

唐畫障澄心紙米家圖畫鄴侯書平泉樹石烏皮几  
逍遙日涉自成趣樾館煙庭非一處古來不數辟疆  
園肯使王猷肆然去阿戎來候小有輿步屨花間入  
隱居坐久不知山色暝仰看松月夜窻虛觀此詩亦  
可槩見矣清甫素性高雅自幼無統緒之習厭與俗  
人接對入觥圖史出愛山水畫師小米書法懷琳落  
筆無煙火氣沒後人競以重價購之遂與古人抗衡  
信名世貴精不貴多也中年皈心釋教日究內典更  
號寶幢居士恒與名德老宿相依杜門掃軌治淨室  
甚精題曰四松方丈奉佛於中焚香誦經有時散步

城南諸寺及樓霞牛首惟飯僧齋會而已城市幾無  
清甫之跡矣與予爲山林交志趣頗同清甫觀化去  
竟如此友不可得惜哉



顧寶幢源傳

顧寶幢名源字清甫世居陪京人稱丹泉先生嘗自  
命曰在家僧又號寶幢居士距生素封之家凡可以  
縱耳目娛情意者備具乃居士旅寓視之蓮實無染  
惟注意秫林所尚詩書畫皆不泥古法信筆點染天  
趣迥絕然實自古法中來書不鍾王而逼鍾王畫不  
吳鄭而軼吳鄭詩不陶韋而凌陶韋已內一切都廢  
究心禪理大有悟入晚節與名僧舉西方社會戒律  
精嚴無與爲儷臨終端坐而瞑舉室聞蓮花香三日  
始歌

焦弱侯曰居士一日與余論書謂書須古法四分已  
意六分乃妙不然縱筆筆能似古人終成奴書不足  
貴也又嘗手書數絕句貽余今筆於此十箇蒲團九  
箇穿誰家枯井雪難填而今法法成三昧聲色無妨  
到耳邊松火炊羹煙滿衣雪寒豪士苦長饑明珠不  
換黃金甕涕吐光爭日月輝鼎食何人曉夜忙全機  
隨處好家詳漁竿不負秋如錦兩岸黃花撲棹香短  
褐長鏡老石門蔬盤容易度朝昏百年智巧銷磨盡  
漸愧人傳粉墨痕腕上雙刀照雪花少年曾醉曾朱  
家搗摩未展男兒志頭白却門學種瓜雪屋寒蔬有

歲華黃金過斗未須誇若言竹帛功難朽也是空添  
眼上花藤葉青莎稱體長菊花新酒滿瓢香時人若  
訪龐居士萬樹雲蘿護草堂布髮曾爲授記人草木  
隨處屬開身十年朋舊塵勞破香火同酌野寺春雲  
裏青山古檜叢仗柯如屋蔽霜風男兒有志技蹤跡  
餅鉢依稀在手中

世隱顧子武先生祖辰傳

文震孟

隱君祖辰其字子武世居吳之臨頓里當弘治戊午有舉於鄉宰樂安於潛二邑者乃顧榮甫公簡有地數弓種竹木成林結椽三楹署曰春潛隱其中二十餘年清風穆如也春潛公沒而子德育字克成者居之克承尤好讀書家貧無所得書則手自抄錄手所錄書幾百千卷自號曰少潛少潛公沒而子武復仍其武是時春潛小園已屬他人獨存老屋三間破榻竹几淨無纖塵蒲團茗碗相對靜好庭中古松一株雜花數本苔痕滿階景色幽茂所居雖閭閻中荆扉

書掩寂然空山披其室見其人如深壑幽巖忽遇靜  
衲令人神骨冷然遂欲遺世不知門外風塵之暗也  
焚香掃地翛然自得間作小詩及畫不必甚工自娛  
而已布衣雖敝必潔巾烏楚楚居恒未嘗妄過一人  
或風日清美則偕先君子小步簫寺中其所識僧徒  
必皆明窓拭几以花香作佛事者午而往盡申而還  
雖至密友如先君不輒肯一飯也優游閑靖者七十  
四年而卒令人至今有餘思云

論曰顧氏自樂安君以及子武先生蓋三世饒隱德  
焉然名稱不稍彰徹何哉傳曰身將隱焉用文之假

令先生不習先君子余竟無從物色先生於吳趨閬  
闔中也臨頓爲陸魯望所居闔鴨欄蕉園遺址猶在  
顧先生世居其里差不俗矣然使後有君子品第三  
隱則身名俱沉如子武者且置何一等乎

焦太史編輯國獻徵錄卷之一百十六終